

續河南通志



		九	漢
	一	〇	書
三	一	七	門
二	三	七	
冊	架	函	類

庫	文	閣	內
九	九	〇	漢
二	三	七	書
一	三	七	
七	二	七	類
架	冊	號	

內閣文庫	
番號	漢 9077
冊數	32 (8)
函號	292 112

十九之二十一



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak




續河南通志卷之十九

輿地志

古蹟二

衛輝府 汲縣附郭

淺草文庫



衛故城 在府城東北六十里武王分紂城以東謂之衛

共城 在獲嘉縣北崇興寺東相傳舊縣治也故址猶存

方城 在輝縣西北三十里許相傳即衛世子共伯肇建四門遺址尚在一云元輝州故城

張飛城 在輝縣西北二十里

鷹犬城 在淇縣東北商紂畋獵之所

黎陽城 在滄縣浮邱山西三里漢永平間陷為湖惟臺存焉

譚城 在滄縣西南三十里今呼為團城

續河南通志 卷之十九 輿地志 古蹟 一 衛輝府



紫金城 在澹縣紫金山外

澹州城 在澹縣浮邱山上宋天聖初避水築此城今廢

向固城 在澹縣南十五里宋滑州都督所建內置州兵千人埽兵千人以十指揮統之

白馬城 在滑縣白馬津東南衛文公東徙渡河都之

鈕城 在廢衛南十五里滑臺城 在滑縣東衛靈公築

滑臺小城 在滑縣境高昌築苻堅後翟遼據之

董固城 在滑縣南七里金廣威將軍屯營或曰漢董卓據此

楚邱城 在滑縣春秋僖公二年城楚邱即此須城 在楚邱東南

大城 在滑縣東北五里赤眉城 在滑縣東漢赤眉帥樊崇築

沙店城 在滑縣南三十里宋都統制王彥屯兵處

麻王城 在滑縣東六十里有大家谷呼麻王天子墓有麻城營

滑臺宮 在滑縣史傳魏顯祖十七年建十九年幸滑臺

訾樓 在滑縣西南六十里春秋衛侯師於訾樓邢人伐衛取訾樓疑即此

玩花樓 在滑縣治後相傳為蔡京游玩之地基存

望火臺 在汲縣黃土岡西紂與武王交兵夜於此望火因名

拗木臺 在延津縣境云元時沐衛運木於北此其木廠中所築基也

天王臺 在澹縣隋開皇四年築禱雨多應相公臺 滑縣南門外龍潭宋州佐陳堯佐築

韓王臺 賦有二俱在滑縣酸棗南一十六里孫楚韓王臺賦云酸棗縣門外有兩故臺故老云韓王聽政也

混混亭 在輝縣百泉亭 遮害亭 在澹縣南昔築南今名穰翠亭 以障河流者

中軍亭 在澹縣大伾絕巔李密建以瞭敵者今存四巨礎

歲寒雙秀亭 在澹縣浮邱西崖峭壁無隙而雙栢挺出因建亭其上元許有壬題而鐫

憇亭 在濬縣長清門外衛河之濱

藹藹亭 在大任雲半山房南明張肯堂建

偉觀亭 在濬縣大任佛岩之北岩下古栢數十株蒼翠可愛元劉慈書大任偉觀四字於岩間明兵脩

劉秉鑑建亭於下今改為清曠亭

懷古亭 在大任北巔

爛柯亭 在滑縣元守張維垣建

稽古堂 在滑縣元杜金吾建

節堂 在滑縣唐李德裕建劉三復有滑州節堂記

清理堂 在滑縣元令元起建

挹翠堂 在滑縣元守張維垣建

衛靈公避暑洞 在汲縣東四十里淇門鎮全真觀內相傳有人開發其洞深宵風出不可近因

閉之

古懸洞 在汲縣戴村廣澤王廟東其洞空曠可容千人元時有人避兵於內今有確磨遺迹尚存

天花洞 在輝縣西北七十里地名耿家樓昔高僧棲禪之所

酒池 在淇縣西北十五里靈山社商紂貯酒之處遺迹尚存

飲馬池 在淇縣西朝陽山上相傳商紂飲馬之處

五陵 在新鄉縣北二十里

金馬灣 在新鄉縣東

銅關 在滑縣地理志云

臨清關 在滑縣地理志新鄉西北有故臨清關

絡絲潭 在新鄉縣南十里故城村今廢

白馬潭 在新鄉縣東北三十里東莊岩社

雲橋 在輝縣穰翠亭西構石為之百泉分流經其下石形似雲因名

仙人跡 在輝縣蘇門山巔大方石上有仙人跡三字

堆金塚 在汲縣西北二里許元蕭真人兵後歛遺骸葬於此元學士王惲有記

雲半山房 在滑縣大任東岩明知縣張肯堂建

孔村 在滑縣東五十里孔子適衛過此

莊邱 在滑縣南七十里舊傳莊公塚未詳

懋功宅 在滑縣大任觀音岩北唐徐勣守黎陽特別墅

魏徵宅 在滑縣城內卽今之東尼寺

慈恩寺塔

在滑縣城內有唐韓愈李翱孟郊柳宗元同登題名今失其處

黃塔

在滑縣西南四十五里遇早祈雨於此

天慶觀

在滑縣有宋龍圖閣學士梅摯題名今廢

江井

在舊韋城中六大井皆隧道下俗謂之江井

白雲茅屋

在滑縣匏子上元末宋訥歸隱處明嘉靖間任環重建有記

滑州舊驛

在滑縣城西唐初建今廢

大廳

滑縣唐開元中李邕建中有賈相公遺像杜太尉刻石經今不存矣

懷慶府

野王城

即今之府城左傳執宴弱於野王戰國衛君角

北即

郟城

在府東北四十里司馬彪郡國志曰山陽有郟城京相璠曰河內山陽西六十里有郟城水經注曰

丹水經郟城西即此唐置太行縣等廢宋元以來改為清化鎮

中都城

在府城東北二十里元魏地形志云武德中都城水經注光溝水經中都亭而今為內村

萬善城

在府城北二十里唐武宗討劉稹河陽節度使王茂元屯兵於此李克用出天井關諸葛爽屯

兵萬善以拒之明為萬善驛今廢

苑鄉城

在府城北水經注丹水西經苑鄉城北南屈東轉經其城南東南流入沁水

成鄉城

在府城東北水經注光溝水經成鄉城北

栢鄉城

在府城西三十五里金元以來為鎮

栢崖城

在濟源縣西周李穆攻拔北齊栢崖鎮令盧愷作露布後王世充以懷州僑治於此唐咸亨初

置栢崖倉宋白曰河清縣有栢崖城侯景所築

溟陽城

在濟源東南李莊里唐置縣等省入濟源縣

河清縣

在濟源西南五十里唐武德二年置隸懷州八年省後屢置廢多隸洛陽

東邱城 水經注在

勳掌城 在濟源西北二十五里

山陽城 在修武縣西北三十五里漢置山陽縣曹丕篡漢廢漢帝為山陽公

呂公城 在修武縣西五十里

沁陽城 在沁水北河內武陟之交水經注懷縣北有沁陽城沁水經其南而北注今呼沁陽村

向都 在孟縣西北周幽王封皇父於此詩小雅十月之交作都於向是也

漢高祖講武城 在北側岸有二城相對其西城即北中府後河陽節度使治此其東城則郭汾陽李臨淮以為壁壘今故址猶存

鄧城 秦本紀左更錯取軹及鄧括地志云故鄧城在懷州河陽縣六國時魏邑也

冶城 在孟縣即今冶牆村見水經注

迴洛故城 在孟縣唐書河陽孟州有迴洛故城

平臯城 在溫縣東二十里應劭曰以其地在河之臯處勢平夷故曰平臯漢縣高祖封項作為平臯侯

此即 晉宣帝故縣 在溫縣西二十里晉宣帝築

集城 在孟縣河內之間唐宋故縣今名城子村

李城 在溫縣續漢志河內平臯縣有李城史記李同却秦兵趙封其父為李侯即此城

郇欒封 在孟縣西北三十五里春秋范文子封邑即今郇欒封村見國語

丹林 府城北丹水之東有林焉名曰丹林今府城北丹水之東有林焉名曰丹林今

射大聚 水經注長明溝水東經射大城漢赤眉聚十餘萬在射大光武進擊大破之後河內太守張揚為將楊醜所害睦固殺醜屯此在今清化東南

新店 在府城北二十里唐武宗討劉蕡王茂元屯軍萬善獮牙將劉公直濬師過萬善南五里焚雍店相傳今新店鎮即雍店因

公血焚後更建故名

公血焚後更建故名

公血焚後更建故名

白司馬坡 在孟縣西南四十里卽今白坡

尤來砦 在孟縣西三十五里漢末魏莊帝殺爾朱榮世隆北叛詔源子恭鎮大行丹谷卽此在府城東北

丹谷 在府城東北水經注於沁謂之丹口

丹口 在府城東北水經注於沁謂之丹口

羊腸坡 在府城北史記正義曰太行山坡道名括地志云在懷州河內北二十五里曹孟德詩羊腸坡

詩屈卽此

玉碑子 疑卽今濟源碑子村唐盧仝有哭玉碑子文

富平津 在孟縣西南野戍南水經注孟津又曰富平津在河陽縣南

畜魚池 在孟縣唐時畜黃魚於此今失其處

摩天砦 在孟縣西五十里卽今摩雲嶺五代李罕之據此

萬艘潭 在舊孟州治南黃河中范鎮有詩見藝文

陽臺觀 在孟縣宋徽宗時出醴泉今失其處

涼馬臺 權翼密遣壯士邀慕容垂於河橋垂自涼馬臺結草筏以渡水經注東郡白馬縣有涼城河水

經其北有神馬亭西去白馬津可二十里許今按神馬亭既在東郡白馬正對黎陽岸垂安得越滎洛而至此渡河乎此涼馬臺蓋在富平津之西也涼馬臺由昔人於河洛浴馬浴竟驅馬就高納涼故名爲涼

馬臺

臺

蓼塢 在濟源縣西南西魏將楊標文破蓼塢獲東魏李顯處

小金堤 在孟縣西南八里古築此以捍禦河患每遇汎决城南田地淹沒幾盡故歲爲修築工役甚繁

揚清亭 卽楊清閣故址令高元敏重建改閣曰亭黃庭堅作記

苗亭 在濟源縣西楚若敖之亂伯棼之子賁皇奔晉晉與之苗以爲謀主路史曰河內朝縣有苗亭卽

賁皇采邑

處士墅 在濟源縣温造隱王屋山人號其居處士墅

傳堯俞別墅

在濟源西北盤谷山堯俞以論新法不為

其間一時名士為之賦詩者甚多許洛舊老與之往來悠然自適若將終身焉

劉自然庵

在府城東北柏山

古槐

在武陟縣東五里馬曲村三元廟圍三丈餘中空

視形不詳所自始明嘉靖七年枯十五年復生枝葉

義鹿塚

在府城南門外明萬曆年間河內令侯公德政及物臨行麋鹿卸衣不食水草喙叫而死

河南府

平泉

在府城南唐李德裕舊莊中多怪石醜酒石尤奇

洛客最閒惟有我一年四度到平泉

靈泉在府城南唐李德裕有賦

溫泉

有五一在府城東北一在偃師縣南一在

甘露泉

在偃師縣東南其泉瑩澈如鑑飲之若

噴玉泉

在宜陽縣東南司馬光詩蒼崖雙起秋雲齊亂

榛蹊瀑泉沃雪托白霓落潭橫引成清溪老木長藤咫尺迷剛欲出行忘東西

天門泉

在登封縣北嵩山之上歐陽修詩烟霞天門深

休坐一酌煩心滌

白龜泉

在登封縣南二

卓錫泉

在登封少林寺前相傳二祖卓錫於此

香泉

在永寧縣西延壽山側

四眼井

在府學門外奎光閣之西一井

甄官井

在府南漢勤王兵孫堅等既破董卓城南甄

八角井

在府城南六十里其井石甃八角相

皇覺寺井

在府伊闕南深三尺可探而汲土人欲引

古玉井

在府城外三十五里魏明帝引谷水過九龍祠

烈婦井 在偃師縣南金時程晉之妻彭氏為軍士所迫欲汚之遂投此井死故名

聖水井 在永寧縣東北其水湛碧相傳飲之可以愈疾

芙蓉池 在洛陽縣 甬池 在澠池縣北甬似蛙而腹大池有此因名

鴻池 在洛陽縣東三十里晉張衡東京賦東州鴻池清蘩綠水澹澹

魏王池 在洛陽縣洛水溢而為池為都城之勝唐貞觀中以賜魏王泰故名

天門街 隋時於天津橋南開大道對端門名曰天門街澗一百步道傍植櫻桃柘榴兩行自端門至建國門南北九里四望成行中為御道通泉流渠

天津橋 跨洛水上煬帝建用大船連以鉄鎖長一百三十步橋南北夾起重樓四所各高百餘丈貞觀中甃石為岸即宋邵康節先生聞杜宇聲處

蘭相如宅 在澠池縣學宮南今為射圃 廉頗宅 在澠池縣治東

噴玉泉 在宜陽縣東南司馬光詩蒼崖雙起秋雲齊亂峯迸出如攢犀石稜澁不容馬蹄下馬步入荆榛蹊瀑泉沃雪托白霓落潭橫引成清溪老木長藤咫尺迷剛欲出行忘東西

天門泉 在登封縣北嵩山之上歐陽修詩烟霞天門深靈泉吐崖側雲濕灑氣寒石老林映碧長松暫休坐一酌 白龜泉 在登封縣南二里泉有石鱗煩心滌

卓錫泉 在登封少林寺前相傳二祖卓錫於此

香泉 在永寧縣西延壽山側

四眼井 在府學門外奎光閣之西一井分為四眼其水清冽不濁不竭

甄官井 在府南漢勤王兵孫堅等既破董卓城南甄官井有五色氣見堅使人浚之得傳國璽

八角井 在府城南六十里其井石甃八角相傳內有錦鯉長尺許時遊於泉面

皇覺寺井 在府伊闕南深三尺可探而汲土人欲引以溉田水即漸下否則如故亦可異也

古玉井 在府城外三十五里魏明帝引谷水過九龍祠前為玉井倚闌又璇華宮有玉井皆以白石甃

烈婦井 在偃師縣南金時程晉之妻彭氏為軍士所迫欲汚之遂投此井死故名

聖水井 在永寧縣東北其水湛碧相傳飲之可以愈疾

芙蓉池 在洛陽縣 龜池 在澠池縣北龜似蛙而腹大池有此因名

鴻池 在洛陽縣東三十里晉張衡東京賦東州鴻池清蘊綠水澹澹

魏王池 在洛陽縣洛水溢而為池為都城之勝唐貞觀中以賜魏王泰故名

天門街 隋時於天津橋南開大道對端門名曰天門街澗一百步道傍植櫻桃柘榴兩行自端門至建國門南北九里四望成行中為御道通泉流渠

天津橋 跨洛水上煬帝建用大船連以鉄鎖長一百三十步橋南北夾起重樓四所各高百餘丈貞觀中甃石為岸即宋邵康節先生聞杜宇聲處

蘭相如宅 在澠池縣學宮 廉頗宅 在澠池縣治東

澹然菴 在灑水東洛陽劉公贊建為習靜之所前有亭可以小憩後有臺可以登覽亦勝蹟也

相公莊 呂文穆公故里離府城二十五里

開陽門 當已位開陽門成未有名夙昔有一柱飛來在樓上瑯琊開陽時上言縣南城門一柱飛去光武使來視識悵然遂堅縛之刻記其年月因以名門

津城門 未位 中東門 丑位

上東門 寅位邳惲為上東門侯光武嘗出夜還詔開門欲入惲不納帝令從門問識面惲曰火光遠遠

廣陽門 申位 雍門 酉位 小苑門 卯位

上西門 戌位 耗門 辰位


穀門 子位 夏門 亥位

崇賢門 位

廣陽門 申位 雍門 酉位

上西門 戌位 耗門 辰位

穀門 子位 夏門 亥位



金商門 光初元年引入金商門問祥異東京賦曰昭

宣平門 廣義門 司馬門

濯龍門 袁宏漢記建初二年有司依舊典奏封諸舅太

後詔曰前過濯龍門上見外家車如流水馬如

遊龍吾亦不譴之但絕 敬法門 崇禮門 廣德門 望鐘門

其歲用冀知默愧其心 含德門 建禮門 却非門 會福門

萬春門 千秋門 洛陽宮閣記

神獸門 水自千秋門南流經神虎門下東對雲龍門衡

初起夕景斜暉霜 永巷門 金手門

鴻都門 靈帝時蔡邕立石經於此門見梁志靈帝引諸

南端門 生能為文賦尺牘工書鳥篆者待制鴻都門下

承明門 殿朝羣臣門曰承明陳思王詩曰謁帝承明廬

是也

大夏門 洛陽北有二門西曰大夏門嘗造三層樓去地

建春門 晉魏隋 東陽門 晉惠帝敗牽秀

清明門 元魏 廣陽門 晉西第一

西明門 晉元魏 廣漠門 隋

平昌門 隋 神武門

宣陽門 隋

西陽門 孝莊帝殺爾朱榮是夜左僕射爾朱世隆

朱華門 與榮妻鄉郡長公主率榮部曲自此門出 乾明門 光極門 仁壽門

厚載門 元魏 韶華門 洛陽西南

真武門在北關外

應天門

興教門

光政門

會昌門

章善門

廣運門

顯福門

東都皇城南面三門中日應天左日興教右日光政興教之內日會昌北日章善光政之內日

廣運北日顯福見唐記三省註

端門東都南門中日端門

左掖門南左

右掖門南右

啟明門

賓耀門

蒼龍門

應福門以上東門

宣耀門

金虎門以上西門

提象門

南門應天門二里許開元中上寶器詔置提象門示羣臣即此

拱星門北門

星躔門玉海

光政門

昭宗還洛改長樂門為光政門

延喜門

昭宗天福二年改延喜門為宣仁門

承福門

唐氏六典東日宣仁南日承福後唐李存勗洛陽宮門也

北宮

在洛水之北郡志稱更始自洛陽而西馬奔闕宮鐵柱門即此蔡質漢儀曰南宮至北宮中央建

大屋複道天子行從中從官夾左右十步一衛兩宮相去七里

胡桃宮

初學記曰漢有南宮北宮胡桃宮皆範金合土為之以為貴也

德陽宮

皇后宮也

池陽宮

漢宮也見六典

承光宮

帝以梁貴人酷歿殮葬禮缺乃改殯貴人於此宮見竇太后傳

井泉宮

一名潤宮周十餘里宮北通西苑其內多山阜重岡曲澗秀麗絕倫

景華宮

在建國門西南十二里許

亭子宮

在上東門東二十里宮南臨漕渠東臨積澗池

天仙宮

仙都宮

並署先帝廟堂

冷泉宮

高山宮

龍鱗宮

宿羽宮

俱在洛陽禁苑中見六典

建昌宮

開平元年以東都舊第為建昌宮見梁紀

正陽宮

丙申周王納司馬消難女為正陽宮皇后見梁本紀

興聖宮

後唐莊宗即位於魏州子繼茂苗宇居此見後周紀

玉堂殿

洛陽宮殿簿日洛陽南宮有玉堂靈帝中光四年修

華光殿

劉寬楊賜特講此殿

承福殿

安福殿

千秋殿

萬歲殿

黃龍殿

和歡殿

見五行志

含德殿

章臺殿

宣明殿

天祿殿

溫飭殿

迎春殿

壽安殿

永寧殿

樂成殿

並見靈帝紀注

陽安殿

七月帝還至洛陽至陽安殿董卓傳

觀德殿

崇華殿

芙蓉殿

承光殿

見洛陽宮殿簿

式乾殿

十一月乙丑魏主於式乾殿為諸僧及朝臣講維摩經見梁紀元魏亦有此殿

九龍殿

青龍三年崇華殿災明帝詔復立崇華殿為九龍殿時郡國有九龍見故名通引洛水過九龍

殿前歷故金市南直千秋門注入九龍池見魏紀

清涼殿

夏居之清涼亦日延清室曹子建七啟謂中夏含霜即此

景陽殿

魏志明帝增崇宮殿彫飾觀閣鑿太行之石英採谷城之文石起景陽殿於芳林園

雲氣殿

洛陽宮殿簿日顯明光殿孝莊誅爾朱榮陽殿北有雲氣殿

乾陽殿

殿基從地至鴟尾高二百七十尺十三間二十九架三陛柱大二十四圍倚井垂蓮仰之者眩

曜唐東都正殿亦仍此名

大業殿

規模小乾陽殿雕綺過之

文成殿

武安殿

二殿在大業殿東西三殿御座見羣臣則宿衛隨入不坐則有宮人殿庭並種枇杷海棠石榴

青梧桐及諸名藥奇卉東有大井二澗十餘尺深十餘丈

元靖殿

貯書之所

含景殿

在景華宮之內

曲水殿

海東有曲水池其間有曲水殿上已褱飲之所

清暑殿 殿南有通仙橋 麗春殿

武成殿 光宅元年甲子武后御此 尊號

紫宸殿 內朝在乾元殿後丁卯 太后臨軒之後御此殿

成象殿 永寧殿 崇勳殿 昭宗時洛陽宮前為 貞觀殿後為崇勳殿

集賢殿 播光殿 億歲殿 集賢 之內

同明殿 在億歲殿西中宗 常御此以見羣臣 芬芳殿

嘉預殿 如朝太 后於此 德昌殿 洛陽宮 西門內

文明殿 開明元年改貞 觀殿為文明殿 中興殿 莊宗同光二年改 崇勳殿為中興殿

臨芳殿 清異錄云洛陽城內臨芳殿 莊宗所建殿前有 黃嬌雪夫人粉奴香卯心黃 蓬萊相公月宮花小 御衣紅紫龍杯三雲紫等名

正武殿 後周至王午 大燕於此

魏闕 東都賦云建象魏之兩觀 旌六典之舊章 文 選註曰兩觀者表明六典之法以垂於象魏

朱雀闕 蒼龍闕 白龍闕 元武闕 在洛陽 見通畧

凌霄闕 魏明帝始建有鵲巢其上 帝以問高堂隆見魏志

閶闔闕 東都城有閶闔闕在映日堂東隔城 上闕北及南皆有觀象臺唐所置也

嘉德署 南 丙署 南

承祿署 在中 藏府 翔平署 在後 掖庭

永巷署 在北宮 東掖庭 鳳凰樓 晉宮閣志曰洛 陽有鳳凰樓

儀鳳樓 總章觀上 有儀鳳樓 慶雲樓 伺星樓

鳩鵲樓 翔鳳樓 四樓俱在 廣望觀南

崇虛樓 魏建於禁中 齋戒則居之 則天樓 則天門樓也武后 會御此以赦天下

浴日樓 上陽 宮內

觀風樓

樓在宮外東北隅屬夾城而連於內前臨馳道周視山川

分翠樓

明副使翟廷蕙致政歸洛於新街居第後起樓三楹題曰分翠自為詩以紀之

臨波閣

延壽閣

右通閣

廣內閣

秘書閣

阿閣

漢馬援明帝時拜將軍長史過武庫祭蚩尤帝御阿閣觀其士眾時人榮之馬援傳

報政閣

在府治中

承風觀

南宮

增喜觀

北宮見洛陽記

宣陽觀

千秋觀

鴻池觀

泉城觀

揚威觀

石樓觀

俱在城外洛陽地記

宣曲觀

萬世觀

修齡觀

東明觀

洛陽記曰諸觀皆在宮中俱高十六丈雲母作牕日曜之焯焯有光輝

百尺觀

靈帝起百尺觀阿宮道天中記

凌雲觀

魏明帝作都昌觀

總章觀

魏明帝青龍三年築總章觀高十餘丈建翔鳳於上魏志

廣望觀

閶風觀

臨高觀

高樓觀

承雲觀

以上俱都水使者陳熙造

太微觀

紫微觀

棲霞觀

隋時建在林泉宮

通真觀

在西苑內

上苑觀

唐時建在上陽宮東京襍記

雪臺

周家所造以貯圖書珍玩按五行志此乃雲臺也非雪臺

諒臺

周景王築

籓臺

觀象臺

漢時築

照臨臺

水經注曰南宮有照臨臺

靈臺

光武所築望雲物處也高三丈方二十步世祖嘗宴於此得鼯鼠於臺上身為豹文熒熒有光輝羣臣莫有知者郎官竇攸曰此名鼯鼠見爾雅考之果然乃賜絹百丈

門富臺

石崇王愷門富於此故名

行雨臺

在井泉宮

鹿苑臺

閶武臺

含章臺

麗日臺

建樂臺

日輪臺

雲光臺

染靈臺

黃龍臺

千秋臺

萬歲臺

俱在洛陽靈芝臺

集靈臺

在西苑

飲酒臺

秦王所築李密曾飲酒於此

涼臺

裴度作別墅具燠涼臺激波其下

宿羽臺

武后宴此

洛陽亭

帝獵還公卿以下陳洛陽亭前乘輿到公卿以下拜天子下車識顏色後還宮

臨平亭

在洛陽漢書禮儀古今註

平亭

縣東北四十里漢原陵在平亭見帝世傳

神和亭

在洛陽御內見六典

萬壽亭

在洛陽北面西見李固傳

宣德亭

近郊地光武立郊兆於洛陽城南亭在平城門外見漢書

閔風亭

麗日亭

翠微亭

在井泉宮

逍遙亭

西苑八面合成鮮華秀麗冠絕古今見大業雜記

金谷亭

東都苑內

通暉亭

俱在苑林曜掌亭

九洲亭

俱東京上陽宮西京雜記

洗花亭

司馬光建

披雲亭

宋陳堯叟有詩

玉仙亭

在河北坊

望闕亭

在環翠亭右進士路直未第時所建以面對闕塞山故名與王騰閣禮講易其中

避雷室

御龍室

楊龍驤洛陽記顯陽北有避雷室西有御龍室

望舒涼室

含章鞠室

靈芝鞠室

清涼署室

俱見洛陽宮殿簿名

冰室

在南宮宣陽宮有冰室見玉海

延清室

曹子建七啟有日清室則七月含霜

東臯書室

在平樂保兵部郎中路受致仕時所築置田教子有登臨吟眺之樂

洛澳書室

在東關環翠亭左孟大通為舉子時讀書處

明堂

孔子觀乎明堂觀四門墉有堯舜之容桀紂之象而各有善惡之狀與廢之誠焉又有周公相成王負斧展南面以朝諸侯之圖孔子徘徊而望之謂從者曰周之所以盛也

續通志卷之十九 輿地志 古蹟 河南府

明堂 漢中元元年建明堂去平城門二里天子從平城門先歷明堂乃至於郊祀三百步洛陽記云平昌

東是明堂 門直南大道 纂食堂 在洛陽西南即長壽宮見文獻通攷

宣極堂 孝文會百僚於此則百堂 螽斯堂

休徵堂 延祿堂 承慶堂 仁壽堂

綏福堂 含芳堂 樂昌堂 椒華堂

芳音堂 顯仁堂 承光堂 五福堂

嘉寧堂 堯母堂 永光堂 以上十七堂 俱在晉宮中

萬年堂 考文帝文明太后於永固陵東北十里餘管長壽宮遂有終焉之志及遷洛陽乃自表瀍西以

為山陵之所而於山立宮 號曰萬年堂見文獻通攷

光極堂 太和十九年十二月甲子 魏孝文見羣臣於光極堂

凝閑堂 孝文引王公侍臣至此曰此堂取夫子閑居之義不可縱奢以忘儉自安以忘危也

清徽堂 孝文南征還洛引見王公侍臣於此堂帝曰此堂成來未與王公行宴樂之禮今與諸賢無高

而不升無小而不入 因建流行渠洗煩池

茅茨堂 此曹魏之故堂也孝文謂李冲曰此東日步元 庶西日遊凱庶此座雖無堯舜之君卿當不愧

元愷冲對曰臣既遭唐堯之 君不敢辭元凱之譽元魏書

皇信堂 孝文曾延四廟之子建元孫之 胄申宗宴於此堂令宗室賦詩

長壽堂 星槎堂 華休堂 九華堂

雲母堂 以上俱在 射堂 在景 後魏宮中 華宮

明堂 垂拱二年成高二百九十四尺方三百尺凡三層 天冊萬歲元年明堂火萬歲通天元年新明堂成

號曰通天 中隱堂 在金谷園唐白居易有詩刻石

天堂 唐築瞻天象武后初為明堂後 又為天堂五級則俯視明堂矣

映日堂 九老堂 在舊東都履道 坊唐白居易宅

還政堂 宋富弼還政歸老時所築 三畏堂 尹焞築三畏取君子三畏之義

許瞻堂 洛人為留守文彥博建彥博與司馬光俱有記

報恩堂 金留守強伸建於洛川驛東刻詔文於石願以死自効故名

正槐堂 房氏洛故家將營室一木忽甲折於庭視之則槐也久之喬柯上聳密葉四布識者以為昌盛

之兆厥後子儀果聯登進士遂區其堂口正槐河東薛瑄記

續河南通志卷之十九終

續河南通志卷之二十

輿地志

古蹟三

南陽府

屈申城 載漢書註 三公城 宛城三十里漢鄧禹等歸鄉餞離處

皇后城 在南召北雒衡山建武元年世祖遣傅俊迎光烈皇后於清陽後發兵三百人宿衛道路蓋稅

舍所在 劉太僕城 南召西七十里

陳王城 南召東南四十里 東荊州城 泌陽縣東

鄧城 古鄧子國水經注云鄧之南鄙昔巴子請楚與鄧好鄧人奪其幣卽此司馬彪以為鄧之鄧聚

舊穰城 鄧州外城東 擒虎城 鄧州西南三十五里俗名龍虎城

臨湍城 一統志云在鄧州西北六十里西魏舊縣隋改曰新城唐復名臨湍

蔡橋城 鄧州西南五十里 陽城 在內鄉丹水

古村城 鄧州東南七十里 墨城 鄧州南四十里俗呼

古城 新野 九女城 新野

濟陽城 九女 張陂城 浙川縣西二十

漢王城 內鄉縣北夏館保山中一統志云漢王

赤睂城 內鄉縣北田下保古名平邱社漢更始都長

馬圈城 資治通鑑齊東昏元二年太尉陳顯達等與

走顯達入城即此

阿婆城 在內鄉舊縣西南相傳唐武后所築其土致

馬蹬城 浙川縣東岵山下周圍一里

卷城 楚子使季然郭卷 昆陽故城 縣今

濩陽城 據水經注在芹溝澧水之南今其地有古城

南北朝所築

尹氏碑 唐縣南三家河昔有人掘得一碑有字數行

南就聚 在南陽 南筮聚 清陽城東北漢軍

夕陽聚 在南陽袁山松日賈復

黃邨聚 漢建武二年傅俊岑

鳳雛臺 在南陽 拱辰臺 南陽縣治東明

望鄉臺 南陽舊城西南隅明郭雲刻築今

燕子臺 約文餘下有石穴內多燕巢

金雞臺 在唐縣東十里世傳有仙人

菊臺 在鄧州百花洲內范公嘗移內鄉菊潭菊植其中

南陽府 輿地志 古蹟 二

詩

申亭 在南陽載博物志

觀德亭 在府學南射圃內 正統十二年建 碧蘚亭 在鄧州西禪寺

遺澤堂 在鄧州劉武襄公故宅 姚牧菴匾其堂

味經堂 在內鄉元國子祭酒字木魯紳建學士虞集有詩

何進故宅 在南陽三城東 樂廣故宅 郭仲產襄陽記 在府城九十里

祖逖宅 在桐栢山下 孔嵩舊宅 在三公城西

諸葛井 在草廬東 龜井 在唐縣北門外有綠毛龜元至元四年三節令與順馳驛取龜以進

扳倒井 在裕州東三十里漢光武會駐師於此有泉以磚砌之為井水從旁出後有光武廟

白龍井 在葉縣北河山元范陽侯所置今禱雨輒應

過風樓 在召縣西六十里唐自在和尚參禪處

仙音樓 在唐縣治東武安廟前萬歷三十年知縣王茂葺文昌祠掘地得一石刻仙音樓三字石下覆海馬四因建敷文書院於右

悠然樓 在鄧州布鼓臺西今子城南門外知州吳大有建順治初年居民為關帝閣

卧牛石 在食人自在和尚收入伏牛山南召縣西六十里相傳野牛

落星石 在鄧州小東關 窪尊石 在內鄉半山亭

仙人洞 在穀雨西世傳有仙人居住此洞中有潭每穀雨黑魚無數自水流出過三日則無

太平洞 在容千人居民避亂於此 古洞 在泌陽城南垣有二一在東南竇向外一在西南竇向內四時有聲如風吼上有月臺

竹洞 在鄧州福勝寺去子 紫金洞 在紫金山宋狀元賈黯讀書處

雅祖洞 在覆金山清涼寺 古桃花洞 在州治內

雲華洞 在內鄉城西北一百二十里西峽口山畔舊名蝙蝠洞李襲改今名

賈可南通志 卷之二十一 輿地志 古蹟 三 南陽府

賈可南通志 卷之二十一 輿地志 古蹟 三 南陽府

賈可南通志 卷之二十一 輿地志 古蹟 三 南陽府

羅漢洞

在浙川岸峇山有石鑿

三丰洞

在峇峇山世傳

九女洞

縣西北

漢王洞

縣西北

菩提岳

在鎮平縣相傳

青龍崑

在內鄉秋

葛仙塔

在鎮平先主山南三里

青羊峇

新野縣西北

泗州塔

唐縣城內菩提寺

東鄉

在新野東漢書云

鐵匱

沉白馬津善水

玉女峰

在新野東漢書云

百花洲

在鄧州城東南隅

菊花潭

在鄧州城東門內迤北二十步范文正公自註

蓋以城郭遷移故也舊志云此泉於崇正壬午復出
礎於城掩之邑人張發吉於其地拾宋碑一片鐫
潭二字其小字剝蝕不可識僅有武
勝軍副節度及元祐數字畧可辨認

石墓潭

在舞陽城北五十五里

彈子池

一統志云在新野縣東北世傳九

馬尾鎮

在內鄉順陽保即秦漢沮陽故城後魏

甘菊里

在內鄉即菊潭縣風俗通云其山有大

石門

內鄉城北一百二

四王砦

浙川縣西北十五

石穴砦

在浙川馬蹬保石門山宋理宗寶慶中金將武

砦於石穴以馬蹬沙窩岫山三砦蔽其前又以麗金
默里板橋王子山鮎魚崖五砦翼其傍甚險今故址
尚存

葛仙居

在裕州

浣沙遺蹟

在舞陽城北三十里唐

遵化店

在葉縣

嚴村

在葉縣滎水上相傳

牛老坡

在葉縣南十二里即丈人止

賣可南通志

卷之二

輿地志

古蹟

南陽府

溺車灣 在葉縣東四十里滎水南相傳孔子溺車於此舊有廟殿廡盡廢基址猶存

汝寧府

武津故城 在上蔡後魏置北齊罷 固墻古城 上蔡縣東北八十里即古互鄉

晉王城 上蔡城東北八十里有晉王井井水深綠相傳晉王李克用屯兵處

狄城 在西平相傳宋將征羗故城 確山縣東漢所置縣

文城 遂平縣西南五十里吳元濟將吳秀琳據文城柵李愬先攻克遂入蔡

白狗城 正陽縣東南梁為白狗堆成兵於此時稱重鎮

謝城 信陽州西北六十里淮河北瀕河西方輿勝覽云申伯所封之地有碑

太子城 在信陽州與楚王城相去四里許門垣基址兩城俱存中可容萬人

郟城 在羅山縣九里關南漢置石基尚存 金牛城 在大勝關西

霸王城 羅山縣西南五十里相傳項羽伐秦過此因築此城故名每雨後山溪中往往得銅鏃數十百枚

臨汝廢縣 在上蔡後魏置北齊罷

慎陽廢縣 正陽縣北四十里漢所置縣 汝墳 見周南

柴潭 府城南宋遺孟珙會蒙古將侑蓋攻蔡蓋決練江琪決柴潭即此

黃溪 府城古水色 錦繡溪 府城南十里古詩錦繡溪邊春幾許

鴻邾陂 府城東十里陂為汝人所利賴漢成帝時關東數水陂溢為害翟方進奏罷陂後因旱郡人歸

怨之 光武時汝南太守鄧晨修陂灌田千餘頃汝土以殷魚稻之饒利及他郡久廢

赧王陂 相傳周赧王建城於此今遺址猶存每遇陰霧土人遙望之城郭宛然

景夷臺 府城北八里天中山左麓久廢

如何不飲臺 府城西三十里唐裨將趙昌基明徵士秦鎬築以宴客晉陵金鼎有詩

瞭馬臺 正陽縣東七十里臺上有古井臺下有蓮花池

酒池 銅陽城內萬歷時居民鑿井得磚屋方廣如池有石額題游息書屋四字其額先在居民馬氏家此

即畢吏部酒池也傍立碑記後居民碎石燒灰無復存者

張柴村 府城西七十里唐李愬入蔡殲元濟戍卒處

官津 新蔡縣南十里即孔坐嘯亭 舊府治內明太守徐中行有詩今廢

翟廷尉故里 上蔡縣 雙井 信陽州城北相去十步而泉通

扳倒井 信陽州城南其水 桀溺坂 問津處北相

寫字石 在信陽州天目山三石一巨石中虛幾二尺仰見字云自是神仙一洞天碧雲深處閉天關土

人呼為寫字石

鎮西將軍石 羅山縣西南七十里齊蔡道恭贈鎮西將軍會憩於此

狗塚 遂平縣城東北三十里昔有人蓄一犬每行則隨之冬月飲酒沉醉卧於草地野燒將及身犬沾水

濕草火不能害及寤犬已死矣以土封之遂成塚

陳州府

武平故城 在府城東北七十里鹿邑縣境漢置縣屬淮陽國

古糧城 在府城北一里許蔡河濱門上有樓繞以周垣舊以貯江淮漕運之糧今建有關王廟

方城 在府城東南四十里以城制方故名

夏亭城 寰宇志陳州南頓縣西南三十里有夏亭城城北五里有株林非西華縣東西兩夏亭也

扶樂城 太康縣西北四里相傳光武積料處

朗城 在太康縣西坊城 在太康縣西

小扶樂城 太康縣西三里小郭城 太康縣西三十里

漢王城 太康縣西五里與霸王臺相近楚漢相距處也

大扶城 扶溝縣東二十里今栢子岡是也即漁村烟雨之處

北古城 扶溝縣北一里許雙泊岸上相傳曹操與袁術相距築城

固寺城 在扶溝縣北十五里城址宛然

奪母城 西華縣西七十里相傳昔有二子爭養其母因名

護當城 西華縣西十里鄧艾所以護守營田也

習陽城 西華縣西南十里即漢習陽城故地今俗以其地有石羊遂謠名石羊失其真矣

都城 西華縣西三十里鹿城 西華縣西六十里

柴城 西華縣西十里公路城 在項城袁術所築出地道志

畫卦臺 路史註云今宛邱城北一里有伏羲廟八卦壇寰宇志云伏羲於蔡水得龜因畫八卦之壇有

長史張齊賢文李邕易之一統志有撰著壇即此處也

秋胡臺 在府城東南六十里俗傳秋胡仕陳時居此秋胡魯人故名臺曰魯臺

藕臺 在沈邱西北二十里即古固陵之地括地志云固陵在陳州城西北三十里謂之固陵近似不知何以名曰藕臺凡其地有鳴馬臺亦未詳其名臺之義

貯糧臺 在府城五里俗呼平糧塚其高二丈其大與餘有四門林木鬱然未詳何代所築

石牛臺 在府城東二十里昔有人發此得石牛一遂止

梳洗臺 在府城北二里宋狄青判陳時築上建以樓時遊憩焉今為真武廟石欄翠瓦掩映林間亦一勝觀也

紫荆臺 府城南二十里孝義堂 在府城南十里

平臺 姑羊臺 募城募臺 太康城東相傳漢光武募軍處

鳳鳴臺 太康縣南六十里萼臺 太康西北三十里武后游幸築臺賞花處

務官臺 西華縣西南九十里谷陽臺 太康縣西三十五里

張公釣臺 商水縣西二十五里

陳半臺 商水城西五十里齊會臺 商水南陵之北

蓮臺 商水巴村水灌臺 商水城東北二十里

霧臺 商水城南十五里梧觀臺 商水城西六十里

賣可南通志 卷之二十一 輿地志 古蹟 七 陳州府

鳳凰臺 商水城內十字街相傳臺畔有梧桐樹

范臺 商水縣西南十五里相傳范蠡與西子泛舟歸湖

宛然 湖也 瞻星臺 在南項城內

留王臺 項城縣西三十里近德勝城上有古井四門空

駐蹕亭 府城北蔡河之濱洪武元年幸汴道經陳因

防亭 博物志云邛地在陳縣北防亭

五穀營 在府城北十里相龍王關 在府城西南

白龜池 府城北一里畫卦臺前世傳伏

磨碓寨 府城東昔黃巢圍城久四郊無耕稼人大饑委

巨磨數百生納人於臼碎之合骨而食又名搗磨寨

文宣寨 在西華縣小陶集西五里明季之亂里人

文昌寨 西華縣西南七十里寨內有文昌閣故名

黑軍寨 在西華關口鎮之牛頭寨 商水城西

龍王關 府城西南界首關 沈邱東北五十里舊有巡檢司

何莊村 在府城南世東橋閘 在府城東

繡尾閘 在府城南蔡河神農井 史記註云淮陽多

逸園 府城西北隅邑人蘇應元創中有樓三有亭九隙

相傳即宋守張詠之西園云

大株河 扶溝東南二十里元至

大王莊 在商水真武護法王靈官故里相傳火

關口鎮 西華縣西北前代北湖 商水城北

南湖 商水城南塔兒灣 西華縣南關

鍾鎮倉 商水縣西南四十里魏鍾會屯兵處明初以縣治西南遙遠設倉屯收秋糧今廢

南倉頭 固廂 七里倉 以上三村曹孟德積貯之所近古合流鎮

城頭 商水縣西三十里蘇子由為陳州團練使子瞻自眉往視止宿於此相傳每夜聞吟誦聲

棄兒溝 商水縣西三十里相傳周景王后蘇氏被讒走商州生兒棄此

時曲 商水縣南五十里激水於此洞曲故名唐元和十年李光顏敗淮兵於時曲即此

汝州

海虛亭 金興定初防禦完顏建趙禮部恩文記

致雨亭 宋咸平中趙况為守建有蘇轍祈雨文刻石

巢父亭 雍正元年州西門內染局得一石刻宋紹聖四年三月初六日赤城羅適題巢父亭詩泊然巢

一枝常靜不待息天地存遺井聊以見清德窺者見爾心飲者在爾力何為病夏畦俯仰無慙色今石移

在州同署

崆峒洞 汝南臨汝縣南十八里廣成陵之西垠有小崆峒峒其巔洞穴如盜將大風雨則白犬自穴中出

以為候亦名玉燭峯云耆老云九春秋天景晴麗恒有素霧自山崑起須臾粉堞青甃彌亘數里樓殿

轆轤花木煥爛數息中霧勢映漫不復見矣此神仙窟宅俗謂廣成子化城見白孔六帖

溫泉 唐武后久視元年臨幸唐元宗開元十四年冬十月幸汝州廣成湯泉代宗實錄云上幸汝州之温

湯有望氣者云宮中有天子氣元宗即日還宮是夜代宗降誕金慶帝正隆六年三月幸河南府因出獵

幸汝州温湯詔汝州凡百五十里州縣里遣商賈赴温湯置市禁扈從母輒離次帝獵汝水有奔鹿突之

嘔血數日

龍泉 在州西南其水瑩潔中秋之夜陰雲藏月俯觀泉中兔影自若見一統志

春店 黃覺經江西南城人五歲因亂失母稍長誓天誦佛願求母所在渡江涉淮行乞而往脩歷艱苦凡

三十八年行至汝州春店遇之元至治中詔旌其門

黃陂 歐陽文忠公跋復黃陂記云右復黃陂記唐侯喜撰云在汝州汝縣有三十六陂黃陂最大溉田千

頃始作於隋至貞元七年刺史盧虔始復之碑元和三年建喜之文辭嘗為韓退之所稱而世罕傳之者予之所得者此碑而已見金石錄

廣成苑

漢桓帝延熹六年車駕幸廣成較獵任廣成苑在汝州梁縣西見漢陳蕃傳按通典載汝州漢

有廣成苑在梁縣西戰國時謂南梁以別大梁少梁也又有霍陽山即左傳所稱楚襲梁及霍漢立霍陽

縣因山為名俗謂之張侯城在郡西南亦名王塢城

堯祠

在魯山縣西三十里張衡南都賦注云魯縣立堯祠於西山因謂之為堯山

魯陽關

在縣西南六十里南陽路所由也張景陽詩云朝登魯陽關峽路峭且深亦司馬芝與母遇

賊處也

鷓鴣路

資治鑑質實云在南陽府城北七十里分二路東北帶西而行者謂之三鴉路中有石山鯉魚山拓

禽山即行人來往趨西洛之便路也石川為第一鴉分水嶺為第二鴉在汝界第三鴉也自南陽石橋

以北至陝州雙觀音堂凡數百里皆鴉路也烏鴉為光武引路說出牧僮嬰媪乃名流如陳文莊作文亦

引用可駭也

開平壘

在郊縣明太祖平定中原開平王常遇春畧地至此其遺壘也見明紀

巾車鄉

在寶豐縣東南五十里今劉村也馮異以潁川椽監五縣光武攻父城久不下屯兵巾車鄉異

問出行為漢兵所執後自關中入朝帝厚錫資云酬其昔日豆粥麥飯異對以願國家無忘河北之難小

臣不忘巾車之恩

攀龍附鳳碑

唐弘文館學士虞世南書字大如斗體勢迢邁辟易萬夫立伊陽學宮後壁

青羊鐵鍋

在青羊山巔大方及丈深可一仞重可千觔未知何人所造

石柱廟

伊陽縣西南七十里小山突起高四五丈四壁如削上有真武廟架木倚岩為之無磚瓦

許州

襄城故城

在今城西墉遺址達於城內如月城然規模狹而甚堅又南一小城名小古城

鄆城古城

在縣東三十里即古鄆子受封之地

長葛古城 在縣西五里俗傳長葛古城從此西去相沿數處不知何代所築遺址存

欒城 東州西南三十里城有二東西相距十里餘城俗稱欒七西城稱欒八未詳始築

青娥城 鄆邑西北五十里烏重亂等敗賊處

襄城宮 唐太宗詔闢立德建離宮於汝水役百餘萬人

九曲池 在州西南其水九曲 黑白二龍池 襄邑龍泉山頂味俱甘美

白龍池 在石相鎮 頽谷 襄城北四十里鄭莊公掘池及泉處

馬跑泉 長葛西五十里 凌雲柵 鄆城西北三十五里魏文帝所築

時曲柵 鄆邑西北四十里 仙人洞 在襄邑紫雲山下

思故臺 州南三里相傳 受禪臺 州西南三十里地為漢灌嬰所築

凌雲臺 在鄆城西北三十里魏曹丕所築晉武帝嘗會百官於此尚書令衛瓘佯醉而撫床處

五老臺 在鄆城內南城下

講武臺 臨潁東四十里本名尚書臺漢馬融讀書處舊有融祠今為僧寺又名為照影臺云

化身臺 鄆城西二十里許州舊志云妻以夫行役不歸朝夕登臺望之不見乃化身今臺有浮屠

大節亭 關公秉燭達旦 子由亭 在州西瀕中處在州城內 今遺址猶存

望嵩樓 在襄城治中劉禹 鳳凰集 在州址錫建見一統志 小趙店

子路問津處 在鄆邑門十里村鐵犁河相傳長沮桀溺洗耕犁於此即問津處有碑記

張孝基還產處 州東大 蔡順拾椹供母處 在州西桑樹店 椹澗店

徐元直奉母處 在城西七里店相傳 為漢徐庶奉母於此

許真君修道處 在長葛 賈詡談兵處 在州北暖泉觀 蔣馬舖

靳裁之講學處 在州北 閻寨 在襄城北蔣馬舖 四十里

受禪碑 在繁城魏篡漢時作一載受禪文一載羣臣上尊號表皆鍾繇書俗呼繁城碑今模糊

孔碑 在襄城歐家營順治五年土人築墻見一石碑上刻字云孔夫子自宋過楚處

石鐫朱字

朱紫陽書容膝二字石刻在襄邑香店舖順治七年終令移置靈泉山

陝州

陝縣

在西門外漢元鼎四年建址無存

何仙姑洞

在州東硤石北洞前水底有歸去來兮石渠洞泉入字

試刀石

在州北城門內相傳為關帝試刀石刀痕猶存

誌公石

在州堂簷下一石長五尺不知置何時世傳為丈地弓式今仍存

砥柱漕路

唐李泌奏自集津至三門鑿山開車道十八里以避石柱之險出玉海

晉張愷碑

金石畧在陝州今無考

老子故宅碑

在靈寶大德六年廉訪使高凝撰蛻虛道人王道寧書在道聖宮

漢太尉楊震碑

集古錄漢楊震碑首云漢故太尉楊公神道碑銘文字殘缺首尾不完歲月甚詳碑陰題名者二百九十八磨滅不完者又十餘人漢碑陰題名或稱故吏門生弟子或稱從事曹掾

著邑里名字此碑但直書河間賈伯琦之類百九十九人皆然疑是字爾蓋後漢時人見於史傳無名兩字者

沛相楊統碑

漢隸字源建寧元年立在陝府閿鄉震墓側碑殘缺集古錄云失其名字以楊震碑考之則知其為統碑後有沛君門生知為統碑陰隸辨額題云漢古沛相楊君之碑入篆字為二行

高陽令楊著碑

漢隸字源在陝府不載名字按震碑次子讓讓子著高陽令碑又無年號其中云遭從兄沛相憂去官繼之以不惠慙遺之語沛相以建寧元年卒考之長歷必建寧元年也隸辨額題云漢古高陽令楊君之碑九篆字為三行其字作陰凸起

繁陽令楊君碑

熹平三年集古錄碑首尾不完文字磨滅可識者四百三十字源碑前缺二十一字惜其名字不可見矣漢隸字源碑前缺二十九字不知其名字止存弟富波君之少子也按楊震碑長子牧富波侯相牧子統金城太守沛相以是知繁陽令即震之孫牧之子統之弟也

祥符觀道德經二碑

元宗御書

唐吏部尚書楊仲昌碑

金石錄楊仲昌碑席豫撰鄔繇分書刻於此碑之陰文皆同仲昌元琰長子也唐書元琰列傳與崔沔所撰元琰碑皆云漢太尉震十八代孫此碑乃以仲昌為二十代唐世士人譜牒猶班班可考今元琰仲昌父子碑刻不應差其世次不同此如

臨高寺碑

開元二十五年常允之撰常選演之書

軒轅鑄鼎原銘

貞元十一年號州刺史王穎為銘邑令王億立碑亡何傾圮碑荒沒

號州古鐘銘

廣川書跋號州所上古鐘其高二尺二寸有奇口徑八寸三釐其頂徑一尺六寸銘

曰王叔伯高作其字磨滅不可復識皇祐三年改造

盧氏古王寨

附城東北規模宏厥高十里四面陡峻頂勢平坦相傳太王之孫高公之子曾居於

此世遠年湮無碑可攷今所存瓦礫皆井衰草夕陽而已

楊家寨

在盧氏縣東北柳關相傳宋將楊延釗屯兵於此寨蹟猶存

太平寨

在盧氏城東北古人避亂於此寨蹟猶存

試劍石

馬跑泉

馬蹄窩

以上三處皆光武遺蹟蓋漢盧邑屬南陽

故境內有之

金蝦蟆舖

相傳胡賈獲金蟾於此今石壁蟾窟猶存

馬兒崕

在南山西番人曾獲金馬於此石壁遺像猶存

斷密澗

李密歸唐封邢公聞所部將帥不附世充高祖使密領本兵招其將士以經畧世充王伯當左

武衛副密行至桃林驅掠畜產乘險而南時史萬寶留鎮熊州遣盛彥師率步騎數千伏盧邑東北七十

里山谷密軍半渡擊之遂斬密焉

灰衙衙

盧氏城北二里秦焚詩書處

禹王溝

盧氏縣東南三十里大禹開洛駐驛於此手跡石盆石竈猶存

鐵嶺

金正大年間與元師相戰於城北嶺積屍溝澗皆平

十八盤

盧元察罕帖木兒率義兵由盧西取商洛恢復陝西

光州

滑城州城西北十五里世傳為光之舊城 蓼城在固始縣東北

天子城光山縣東十里城臨官渡河漢光武夜過屯兵於此

安陽故城息縣西南十里漢所置 長臨舊縣縣東北八十里

讀書臺光山縣南四十里淨居山宋蘇軾謫黃州嘗寓此遺趾尚存

春申君宅即今州治按史記楚考烈王元年封黃歇春申君賜淮北地十二縣故有宅在此又州東

三里河北有 春申君丹爐 龔友福故宅光山東門外龔係元狀元

司馬井光山縣學內以宋司馬先生此因名上有亭

漆井有二一州治後純漆壘成水極清徹世傳為春申君宅中井至今不堙一固始縣治前世傳漢高祖

追項羽至此駐兵因水有滷用 漆布之使不通滷見一統志

煙水堂光山縣治西宋張徹有詩 蓼潭漢志蓼潭在夾澮之間宋劉劭擊龐孟封於此

寢邱史記滑稽傳註即今固始縣地為孫叔敖子喬之封邑前有垢谷後有冥邱

張果潭固始縣西棗林岡古城 聖人潭商城縣南三十里

仙潭在商城仙潭里上有仙人跡 天塘坂元馬祖常有詩

龍潭商城縣北三十里深十餘丈上有石佛寺歲旱禱雨輒應

白龍池在固始大山上時有蜃氣成人馬樓臺狀禱雨輒應

飲馬池在商城縣西十里許土人相傳項羽嘗飲馬於此

插劍石在商城縣懸劍山頂有劍插石可動不可出

續河南通志卷之二十終

續河南通志 卷之二十 輿地志 古蹟 光州

續河南通志卷之二十一

河渠志

河防一

大河九曲五在中華豫得其二自孟津以上群山東水勢不得肆至滎汜以下出險就易始汗漫善決而中州之地跨河南北其勢尤危我

國家特設重臣經理其事

睿斷神謀所以區畫之者既詳且盡庶幾萬世保其安瀾矣然而順導周防疏濬塞治之法亦撫斯土者所宜周知也續河渠志

雍正十三年夏六月築祥符程家寨堤

皇帝乾隆四年三月總河白鍾山請歸德府屬漆設管河通判一員將虞城與江南碭山縣交界起上至商邱縣頭堡止堤埽各工俱令新設之通判分管與江南新設之蕭碭通判彼此關會相機辦理其原設之歸河通判改爲儀考通判專管儀封縣堤埽各工與考城縣河道工程開封府下南河同知專管祥陳蘭三縣河道工程部議應如所請奉

旨依議

乾隆元年正月奉

上諭河南孟縣地方有小金堤一道捍禦黃河向係民築民修朕思民力不齊工料欠缺則修築多不堅固即使果能堅固而每歲攤派銀錢亦未免竭蹶着河東總河將此項堤工確實勘估委員承修其需用銀兩統於歲搶項下動支報銷毋得絲毫派累欽此欽遵隨經估修防風長五十丈歷年備料廂修至乾隆十九年河溜下移情形平穩總河白鍾山奏明停止動帑仍歸百姓自行修防在案

乾隆元年二月奉

上諭朕聞河南武陟縣木欒店沁河堤工關係居民廬舍每年派民夫修築以防水患里民按畝派錢約計二千四百餘兩頗爲地方之累若設立長夫三十名歲支工食銀三百六十兩即可省民間二千餘金之幫貼着該

部傳諭河南總河白鍾山照此辦理其設立長夫應領工食卽動豫省存公銀兩欽此

乾隆四年築鄭州黃崗廟月堤

乾隆五年二月總河白鍾山請曹州屬添設曹儀通判一員專管曹縣曹家庄起至儀封縣與蘭陽縣交界止河道工程聽山東河道河南河北道各行督察如有舉劾事宜督臣會同山東河南巡撫一體考察其原設之黃河同知改爲單縣同知專管單縣與江南交界起至曹縣曹家庄止河道工程河南下北河同知仍令專管儀封以上至祥符縣與封邱縣交界止河道工程部議應如所請奉

旨依議

乾隆七年築中牟十二堡月堤

是年五月總河白鍾山覆奏疏畧所屬廳汛各缺勿論舊設新增逐一清查詳加酌議其中有可以裁併者如河南彰德府管河同知一員懷慶府沁河通判一員陽武縣縣丞一員滑縣縣丞一員皆係舊設但事簡工少所當據寔請裁至新設各缺如河南河北道係題請復設原非新添今彰衛懷三府俱在黃河北岸與直隸山東山西三省接壤地方遼濶又當南北孔道必得大員巡守稽查官員勤惰倉庫錢糧盈虧數百里河道防護催辦夫料查工核帑北岸止有

該道一員地方河道吏治民生皆其專責未便議裁
懷慶府黃河同知經管武陟滎澤二縣黃河二處工
程實關緊要况現將武陟沁河埽工歸於該同知兼
管更爲黃沁兩河最要斷難議裁開封府添設同知
二缺係在南北兩岸與舊設之同知二員上下分管
各有一百數十里至二百餘里不等其中險工林立
在南岸者則關省城在北岸者則關運道實屬緊要
未敢輕議裁併新設儀考通判曹儀通判二缺因舊
設之曹州府黃河同知歸德府管河通判所管堤工
俱黃河下游各管工程二百七十八里相隔遙遠大
汛水漲工險之際倉猝奔馳不及是以添設畫地分
防責守始專今如裁汰仍歸舊設之員實難周顧添
設祥符主簿一缺查祥符南岸堤工八十六里汛長
工險舊設縣丞一員不能照管是以添設今縣丞現
有要工如裁併一員勢必顧此失彼祥陳巡檢蘭儀
巡檢雖分管堤工無多但此二缺原因地方印捕各
官俱在南岸北岸地方於直隸山東三省毗連民俗
刁頑自添設以來地方河工俱屬便宜未便裁汰武
陟縣沁河主簿一缺查沁河水性猛烈與黃河相等
該縣舊設縣丞一員係專管黃沁兩河工長八十餘
里皆係險要勢難再管沁河且現將沁河通判裁汰
則沁河工程專責該主簿一人仍裁併縣丞分身無

術實在不可裁汰

乾隆九年河勢南徙築滎澤縣月堤東自胡家屯西至李西庄長三里

乾隆十一年築鄭州頭堡月堤

乾隆十三年工部議覆河南巡撫碩色疏稱江南桃伏秋凌四汛要工不絕且險要處相離甚近河干無業之民千百成群以做工爲生所以一呼而集豫民散處務農工程稀少一年徵調不過二三處此卽地方官按里徵發猶慮遲悞而廳汛專司抵禦豈能分營調遣但工有緩急夫有多寡今議凡遇冬春農隙緩工以及零星添補廂修照江南令工員自催倘遇

緊要險工在四汛內以及創堤開河搶護緊急用夫浩繁者俱須飭令州縣飛撥赴工其一縣力不能任者仍於隣邑協濟調夫之中向又有里夫牌夫之分里夫派之地畝牌夫按烟戶僉撥因猝遇險工僉撥里夫一時不能雲集先撥沿河烟戶應役俟里夫撥到更替以免偏苦至於到工計方發銀必須工員按名核給不得委之催頭里總尅扣侵蝕不致要工有誤亦不慮小民受累應如所題奉

旨依議

乾隆十六年六月河決陽武祥符朱水自十三堡口門經太平鎮分爲二道自口門沿堤東流分入延津

封邱二縣之渠復合於封邱之居廂渠至鐵鑪庄分爲二股一股從太行堤之王家堤口入直隸界一股由太行堤之大冊口入直隸界由此口入東明縣之魏河經山東濮州范縣壽張出張秋鎮梗運河入海是年七月興工先築月石堤民堰以遏其冲次築玉皇廟大壩以塞其倒流凡五閱月費帑金數十萬十一月合龍斷流水歸正河乾隆十七年正月十三堡口門大堤築成又增築縷堤格堤等工數百丈乾隆十八年九月河水驟漲陽武汎漫開五堡三壩及格堤橫壩冲决十三堡大堤四十二丈隨經補築完固

乾隆十八年築鄭州花園月堤

乾隆十九年十二月部覆總河白鍾山條奏廣栽柳樹如有勸捐無術培養失時致有枯損缺少一千株以上者將廳官一併查叅議處庶幾廳官汛員均有考成又監生捐栽楊樹在官地內栽成四千株及自己地內栽成二千株者免其考試給與主簿職銜應如所請奉

旨依議

乾隆二十年築中牟九堡月堤

乾隆二十二年七月部覆兩江總督尹繼善總河白鍾山張師載等覆奏稱江南山東河南等省黃河兩

岸灘地冲刷支河每年於霜降水落之後廳營各官
卽將各汛內灘地冲刷支河幾道長寬深淺丈尺若
干應築土壩幾道高矮長寬丈尺若干逐一親加確
勘移會地方州縣印官覆勘核計土方數目先儘兵
夫力作將額積土方分派兵夫堵築如兵夫額土不
敷地方官卽撥民夫堵築統限霜降後一月內會造
清冊詳道核轉定限於次年春融興工務於桃汛前
如式完竣結報該管河道親驗轉詳永爲定例經過
伏秋汛後如廳印各官所築土堤堅實漫灘之水足
資抵禦並無坍塌者驗明確實照修築堤岸已有成
效例加一級三年內亦能無悞加銜一等三年內始
終無懈於河道實有裨益該督撫保題到日以應陞
之缺卽用其營汛各官所築土堤堅實漫灘之水足
資抵禦併無坍塌驗明確實兵部亦照文職修築堤
岸已有成效例准其加一級二年內亦能無悞加銜
一等但查武職虛銜已經奏明刪除所有應加銜一
等者改爲隨帶加一級三年內始終無懈於河道實
有裨益該督撫保題以應陞之缺卽行題補如廳營
各官於水落後不卽親爲估計移會印官覆勘或印
官推諉不卽查勘堵築及桃汛前不能完竣者卽行
查叅照堤岸預先不行修築例經管官降一級調用
該管官罰俸一年總河罰俸六個月至堵築不堅致

有坍塌及冲突奪溜情事亦卽查明承築各員揭叅照管築堤工例有一處夯杵不堅盛水卽漏併有一二丈不豐滿合式者降一級調用有二處夯杵不堅盛水卽漏併有三四丈不豐滿合式者降二級調用有三處夯杵不堅盛水卽漏併有五丈以上不豐滿合式者革職監理并兼管營汛各官所轄分管官有因築堤不堅固合式一員議處者罰俸一年二員議處者降一級調用三員議處者降二級調用四員以上議處者將監理并兼管營汛各官革職如議叙議處相同准予抵算如係監理并兼管營汛各官揭叅免其連坐又稱該管河道親驗轉詳與河臣核題若

不定以限期恐遲延亦所不免請於每年九月後該管河道驗明上年所有支河堵築土壩經歷伏秋大汛如果堅實完整者卽取結具題議叙如有承辦不力以致冲突坍塌奪溜者卽詳題請叅河臣核明具題如有遲延聽部議處又稱黃河兩岸有堤係豫省廳營管轄而內外民田隸東省者亦有堤係東省廳營經管而內外民田屬豫省者該地民人往往呼應不靈而地方官與廳員亦因隔屬遂多膜視嗣後堤工內外居民無論本省隔省如有需用修防之處卽知照地方官一體調撥倘民人抗違以及地方官慢應俱分別究叅各事宜均應如所奏俾於河防農田

兩有裨益奉

旨依議

是年築中牟十堡月堤

乾隆二十三年四月總河張師載奏准兩省河臣每年或九十月或二三月先期咨會乘查勘工程之便會於連界地方將應修應浚工程凡有交涉者務須詳加商酌如應會勘卽行會議具奏倘猝遇險工本汛料物不敷就近於接壤廳汛內撥用工平之後再行撥銀買補通融辦理

是年五月巡撫胡寶瑑奏准一水利宜專責成也同知通判有一府兩員者應將所管州縣分定則責成

益重而查察易遍至州縣事務紛繁臨時或難遍及應將境內各河分派於縣丞主簿巡檢等官隨時體察報明正印并於道廳往勘時隨行查辦秋末春融酌量興工分頭兼管庶可同時並集至各河大者百餘里小者亦數十里必須民間亦有責成請每河按照村庄設立渠長選擇誠實幹力之人承充其所管業佃畧如保甲之制並將每河分定里數界限責令經管如有淤墊及堤堰殘缺者隨時報官於興修時卽令集夫督修一各河歲修宜籌也幹支各河自應每歲酌用民力照業食佃力之例修濬培築其有工段綿長民力不繼者應遵部議酌定請

古動帑仍照上年量給飯錢之例按日給工無庸按方給
值則民力已可足敷而工程更可速竣均應於每年
臨時籌辦惟惠濟豐樂响巴等河土性浮鬆更爲要
務必須籌設歲修銀兩查惠濟河原設有歲修銀四
千兩應照舊動支每年就各屬情形核實辦理其一
切事宜均照原定章程毋庸更易至豐樂响巴等河
向無款項查有入官銀地請以租息按年動用一民
田溝洫宜開也豫省地畝均係一片相連並無田間
水道應各就地形較窪之處開挖橫直小溝俾高阜
平原低窪處所各有歸河之路其坑坎隨在挖塘亦
可就地流注至向有大路兩傍之溝每年加挑卽以
土培路并可以便行旅一小港廢渠宜復也各州縣
廢棄之坡港小渠每年農隙督令開挖成一渠有一
渠之力逐年照辦事不煩而民不擾久而漸受其益
一橋閘涵洞宜整也舊橋多係土墩阻水又易冲卸
於各堤酌設閘座涵洞以時啟閉可於漲落之後疏
洩內水歸河令地方官督令渠長經營如有些微坍
損卽行稟報修整一堤堰宜防盜挖也向來水發之
時每有盜挖堤缺洩水利在一已害在衆人卽復堵
築田已受傷應督率分派巡查俱照例嚴挈重究以
杜民害一河道阻水宜禁也河邊種葦設簍捕魚多
妨礙水路令地方官督率渠長查察盡行禁絕一窪

地宜加酌辦也遠年古窪細查酌辦其向可通河者
現今開溝仍聽種穀若實係形如釜底又距河甚遠
者俾種芟荷芟芑亦有微利或改種葦草既不比過
流阻水且可備河工料物須詳細勘明頃畝請除糧
賦改照蘆課再為減額令其輸納以息爭端此外有
不可種植者再行

題請豁免但留為四面瀦水之區奉
硃批如所議永遠實力行之

乾隆二十四年七月部覆總河張師載條奏一黃河
月格等堤內外宜廣為栽種也黃河兩岸月格等堤
內小以及沮洳坑塘一體飭令各該地方官勸諭民
人廣為栽種蘆葦以資工料其有情願報捐者確查
成活數目分別造冊咨部照例議叙如或不願報捐
令本主自行栽種給價交工至本主力不能栽情願
捐為官地者廳汛地方各官或另勸他戶或自行捐
栽其捐出地畝額徵丁地錢糧令地方官查明詳請
具題准其豁免再民間納糧地畝如或不願栽種蘆
葦亦不願捐為官地者俱各聽從民便并令該督等
飭令各該地方官不得勒派栽捐一兩岸灘地支河
宜勸民栽種也壩內支河廣種蘆葦務期實力奉行
俾得蔓延暢茂盤結堤根既可充裕工料并可藉以
橫禦汎水庶於工程錢糧均有裨益一河工歲辦料

物宜葦稽兼收也民間如有應交料物令其葦稽並
交各照成規給價仍令出示嚴禁毋許胥役人等尅
扣侵肥藉端滋擾倘有短價累民等弊查出嚴奉照
例議處一年遠廢堤宜勸栽楊株也黃河兩岸既有
大堤月堤重門捍衛尚有年久廢堤離河甚遠無資
障禦均可栽種楊柳以裕工料除責令兵夫每年栽
植額柳外勸諭官民捐栽俟成活之日驗明造冊咨
部議叙一民人捐栽楊葦宜酌示優異以爲鼓勵也
民人栽種楊葦如不及議叙之數者准其次年補栽
地方官先行查驗收管申報河督存案俟三年之內
統計在官地內栽成小楊二千株已地栽成一千株
及種葦四頃者造冊咨部議叙給與九品頂帶榮身
間有沮洳不能栽敷額數民人在官地栽楊五百株
栽足葦二頃在已地栽楊二百五十株栽足葦一頃
果能成活者該督飭令道府廳州縣等官酌量分別
給匾獎勵其印河各官捐栽楊葦仍照舊例辦理毋
庸更張其栽楊種葦各戶免派差徭按照多寡酌定
年限分別辦理部議應如所請奉

旨依議

乾隆二十五年九月部覆總河張師載奏稱豫東黃
河大堤堡房責令州縣官修理因循日久難免坍塌
不堪居住者有之雖屢次嚴飭究因向無額定歲修

銀兩延挨觀望難收實效請照東省運河堡房之例
每座給歲修銀五錢等語應如所奏豫東黃河堡房
准其自乾隆二十六年為始照例每座給歲修銀五
錢以資修葺所需銀兩准其在於藩庫存公耗羨銀
內動支給發仍令該撫將每年動給銀兩數目於歲
底造入存公冊內報明戶部查核仍令該管河道不
時查看飭令州縣官修葺堅固入冊交代倘有坍塌
傾圮不堪棲止者除責令賠修完固外仍照例查叅
議處并于每年年底將修過堡房座數支過銀兩報
明戶工二部查核如有節省留為下年之用奉

旨依議

乾隆二十六年七月十七至十九日大風雨河水陡
漲漫溢中牟縣楊橋大堤奪溜成河

欽差大學士劉統勳協辦大學士公兆惠同河督張師載
巡撫胡寶瑔率領各員募夫堵築江南河督高晉亦
奉

命到工並率領南工將弁一體奮辦於十一月初一日合
龍河流順軌築大堤二百七十七丈

乾隆二十六年秋汛沁黃並漲水勢異常北岸武陟
滎澤陽武祥符四汛漫缺內外堤十五處因南岸楊
橋奪溜大河乾涸隨經次第補修完固

乾隆二十六年十月奉

續河內縣志 卷之二十一
上諭據裘曰修奏沁水堤埝民工天師廟尋村二處及各段大小缺口皆為急不可緩之務現據該府縣估需銀四萬兩士民籲請借領庫項亟為動工分作十年清還等語此等堤埝雖係民修現經被水之後秋成未免歉薄若借給庫項乘時修築事屬可行著傳諭胡寶瑑卽照所奏速為辦理但工程用至四萬兩雖由士民借領亦必須專派一地方大員董率稽查庶堤埝可期穩固而銀兩亦歸實用裘曰修僅稱知府沈榮昌估計其將來興工時應作何派委大員總司經理之處摺內未經聲明著交與胡寶瑑一面揀員督辦一面卽行奏聞並諭裘曰修知之欽此欽遵隨經添築天師廟斜堤一道

長二百二十七丈挑水壩長十八丈

乾隆二十七年挑楊橋上游引河八百一十二丈是年築祥符縣時和驛二堡三堡焦橋五堡灣庄九堡埽頭十九堡堤蘭陽縣頭堡二堡堤

乾隆二十七年黃沁上北下北三廳因二十六年堤上漫溢水勢過大高於堤埝擇其形勢最要出水極矮之處於善後事宜案內增築縷堤一百一十二段乾隆二十九年十一月奉

上諭李宏等奏豫省耿家寨引渠告成一摺該處埽工舊稱險要今開挖引渠全河大溜悉行歸注冲刷寬深險工淤閉甚屬可嘉李宏阿思哈着加恩交部議叙其在

續河南通志 卷之二十一
工承辦各員亦著查明咨部分別議叙欽此

乾隆三十年四月奉

上諭河南按察使員缺着何焯補授何焯久任河工於一切修防事宜熟悉所有豫省南北兩岸河道工程仍着何焯兼管

河防職官

仍舊者已詳前志不載有添設裁汰移駐者錄後

副總河一員

雍正五年設駐劄蘭陽後改為河南山東河道總督駐劄濟寧州

彰德府管河同知一員

今裁

懷慶府黃沁同知一員

乾隆七年裁汰沁河通判改為黃沁同知

歸德府管河通判一員

乾隆四年改為儀考通判

歸德府商虞通判一員

乾隆四年添設

懷慶府沁河通判一員

今裁

曹儀通判一員

乾隆五年添設

陽武縣縣丞一員

今裁

永城縣縣丞一員

乾隆九年添設

鹿邑縣縣丞一員

乾隆九年添設

夏邑縣縣丞一員乾隆九年添設

滑縣縣丞一員今裁

偃師縣縣丞一員乾隆九年裁

靈寶縣縣丞一員今裁

汝陽縣縣丞一員雍正十二年添設

淮寧縣縣丞一員雍正十二年添設

懷河營守備一員移駐陳橋鎮

豫河營守備一員移駐埽頭鎮

陳蘭北汛千總一員添設

祥陳二汛千總一員今改祥陳蘭三汛千總

秦字營千總一員今裁

河兵一千零九十二名

堡夫一千三百九十名

埽夫四十名

續河南通志卷之二十一終

續河南通志

縣志四十卷

縣志一百三十二卷

縣志一百三十二卷

文正丁卯

文正丁卯

文

